



Universitätsbibliothek Paderborn

**Elogia Societatis Iesu Sive Propvgnacvlvm: Pontificum,
Conciliorum, Cardinalium, Antistitutum, nec non
Imperatorum, Regum, Principum & aliorum Virtute,
Religione, omniq[ue] Literatura illustrium (etiam ...**

Gomez, Cristobal

Antverpiæ, 1681

Petrus de Sardis cum Cap. Gen. n. 18

urn:nbn:de:hbz:466:1-38486

*Angelica
puritate
nitens, &
Hortus de-
litiarum
Dei.*

17. * A LUDOVICO AB ANGELIS, qui haud proprij agnominis immemor, Societatem Angelica puritate nitentem, ac demum, Hortum delitiarum Dei, non veretur afferere ac nominare. Tanta illi erat de Religione hac omnium minima existimatio. Ita in lib. Festor. Hispal. in Beatif. S. Ignatij fol. mihi 73.

A CARTHVSIANIS.

*Literæ
Prioris
Maioris
Carthusia.
In quibus
doctrina,
mores, ac
zelus socio-
rum lau-
dantur.*

*Qui inter
huius se-
culi tene-
bras reful-
gent.*

*Peculiarē
cū Societa-
te german-
itatem
constituit
Carthusia.*

18. A PETRO DE SARDIS summo Priore Magnæ Carthu-
sie cum sua innocentissimæ Familia Religiosis, qui omnes
in suo Generali Capitulo congregati, in nascente adbuc Societate sen-
sum, & pietatem erga illam, datis ad Ignatium, & suos anno 1544.
literis è Maiori eadem Carthusia sic comprehendunt: Audita fama
odorifera, fratres in Domino dilectissimi de vestra exemplari
doctrina, & voluntaria paupertate, ceterisque virtutibus,
quibus in tenebris nostri deplorandi saeculi resurgentibus per-
hibemini homines in via perditionis errantes ad arcam viam
salutis reuocare, vacillantes stabilire, stantesque ad proficien-
dum in virtutibus stimulare, & magnam in Domino Eccle-
siæ Catholicæ fructum afferre; gauisi sumus in Domino,
gratias illi agentes, quod in tanta desolata Ecclesiæ suæ cala-
mitate, quæ premimur, excitare dignatus est, & mittere no-
uos operarios in vineam suam, recordatus misericordiæ suæ.
In quo quidem sancto opere, cupientes vobis pro nostro mo-
dulo cooperari, fraternitatem vestram obsecramus per cha-
ritatem eius, qui pro nobis non dubitauit animam suam po-
nere, ne in vacuum gratiam Dei recipiatis: sed in sancto pro-
posito perseverantes, in omnibus exhibeatis vos sicut Dei
ministros in multa patientia, non deficientes inter labores,
pericula, & persecutions, quæ omnibus, pie viuere volenti-
bus, occurresolent. Tempore enim suo metetis, non de-
ficientes. Et nos fratres, si quid poterimus apud Dominum,
diuinis Sacrificijs, orationibus, abstinentijs, ceterisque pijs
exerci-

exercitijs, quorum omnium vobis, & successoribus vestris, in vita pariter, & post mortem singularem concedimus participationem, vestris pijs conatibus libenter cooperabimur in Domino, postulantes ut nos vicissim in orationum, & bonorum participatione commendatos suscipere dignemini. Dat is Carthusia sub sigillo nostro, ann. Domini 1544. sedente nostro Capitulo Generali. Sic in 1. Par. Hist. Soc. lib. 4. num.

107.

19. A BRVNONE LOHER. *Agrippinensis Carthusiae Procuratore, qui se continere non potuit, quin maiorum suorum secutus exemplum, id quod de Societate nostra sentiebat scriptis ad Ignatium literis explicaret.* Dolebamus (*inquit*) interim gliscientibus Hæreticis non esse multos, qui contra istos Tartareos spiritus se opponarent. Cum ecce præter omnium opinionem, non multo post Tu extitisti Pater celeberrime Ignati, spretis mundi pompis, honoribus, diuitijs, voluptatibus, spreta generis dignitate. Crescente autem mirum in modum Vestrorum fratrum numero, missi sunt cum amplissima Sedis Apostolicæ potestate Sacerdotes non pauci ex Vestris, Viri gravissimi, honestissimi, primò quidem ad præcipuos quosdam Christianæ Reipublicæ magnates, ac Ciuitates; deinde & alij in Asiam, Africam, Arabiam, Indiam Meridionalem, & Orientalem, & Americam maximas Orbis partes. Quibus in locis vestræ Sodalitatis Patres ingentem & incredibilem animarum fecere fructum, nec facere desinunt, infideles, & Iudæos ad fidem convertendo, integra oppida, & Regna baptizando, peccatores ad pœnitentiam reuocando, pios in gratiam confirmando & consolando, iuuentutem, tam apud Ethnicos, quam Christianos optimis literis, solida eruditione, sanctisque moribus imbuendo, additis pluribus stupendis prodigijs, ac miraculis præsertim apud Infideles. Adeo ut infatigabili vestro labore, industria, feroce docendi, concionandi, adhortandi assiduitate, & candidis moribus, diuina vobis oppitulante gratia, ne dum in nostra Europa,

Y

sed

*Alia literæ
in Societate
tis com-
mendatio-
nem.*

*Ignatius,
ac Socij
laudati.*

*Qui vnde-
que disperse
incredibile
animatorum
fructum
fecere.*

*Optimis
literis, soli-
da erudi-
tione ac
stupendis
prodigijs.*